

অক্টোবর ২০২১ মাসের দেওয়ানি মামলা সংক্রান্ত বিষয়ে বিজ্ঞ জিপি/এজিপিগণের সাথে সভার কার্যবিবরণী

সভাপতি	এম কাজী এমদাদুল ইসলাম জেলা প্রশাসক, সিলেট
সভার তারিখ	১৭ অক্টোবর ২০২১
সভার সময়	বিকাল ৩.৩০ ঘটিকা
স্থান	জেলা প্রশাসক, সিলেট এর সম্মেলনকক্ষ
উপস্থিতি	পরিশিষ্ট 'ক'

সভাপতি উপস্থিত বিজ্ঞ সরকারি কৌশুলি, বিজ্ঞ সরকারি ভিপি কৌশুলি ও সহযোগী সরকারি কৌশুলিগণসহ উপস্থিত সকলকে স্বাগত জানিয়ে সভার কাজ শুরু করেন। সভার শুরুতে বিগত সভার কার্যবিবরণী পাঠ করা হয় এবং তা সর্বসম্মতিক্রমে অনুমোদিত হয়। সভার আলোচ্যসূচি অনুযায়ী বিস্তারিত আলোচনান্তে পর্যায়ক্রমে নিম্নবর্ণিত সিদ্ধান্ত গৃহীত হয়।

ক্র.নং	আলোচনা	গৃহীত সিদ্ধান্ত	বাস্তবায়নে
১	বিজ্ঞ সরকারি কৌশুলি সভাকে অবহিত করেন যে, দেওয়ানি আদালতে প্রায় ৯০০টি স্বত্ব মামলা এবং ল্যান্ড সার্ভে মামলা প্রায় ৩২০০টি চলমান আছে। সেপ্টেম্বর/২০২১ মাসে ৪টি স্বত্ব মামলা, ২টি ল্যান্ড সার্ভে মামলা ও ১টি স্বত্ব আপিল মামলা নিষ্পত্তি হয়েছে। তন্মধ্যে স্বত্ব মামলা- TS-309/21(B/math) ও TS-02/20 (F/ganj) সরকারের পক্ষে এবং TS-43/21 (Zkg), TS- 234/17 (J/pur) সরকারের বিপক্ষে রায় হয়। ল্যান্ড সার্ভে মামলা LST-1064/16 সরকারের বিপক্ষে ও LST-817/17 সরকারের পক্ষে রায় হয় এবং ১টি স্বত্ব আপিল মামলা- 112/19 (SJ-I) সরকারের বিপক্ষে রায় হয়। তখন অতিরিক্ত জেলা প্রশাসক (রাজস্ব), সিলেট জানান, নিষ্পত্তিকৃত মামলার নথিসমূহ সভায় উপস্থাপন করলে সরকারের বিপক্ষে রায়কৃত মামলার পরবর্তী করণীয় বিষয়ে সিদ্ধান্ত নিতে সহজ হবে। তখন সভায় উপস্থিত সকল একমত পোষণ করেন।	১। নিষ্পত্তিকৃত নথিসহ সভায় উপস্থিত থাকতে হবে। বিজ্ঞ কৌশুলিগণকে সরকারি স্বার্থ রক্ষায় আরও আন্তরিকভাবে কাজ করতে হবে। ২। সরকারের পক্ষে বা বিপক্ষে রায় হওয়া স্বত্ব, ল্যান্ড সার্ভে ও স্বত্ব আপিল মামলার নথি সভায় উপস্থাপনের প্রয়োজনীয় ব্যবস্থা গ্রহণ করতে হবে। ৩। সরকারের পক্ষে বা বিপক্ষে রায় হওয়া নথি আর.এম শাখায় প্রতি মাসের ১২ তারিখের মধ্যে প্রেরণের ব্যবস্থা গ্রহণ করতে হবে।	বিজ্ঞ সরকারি কৌশুলি সিলেট

২	বিগত মাসের সভার সিদ্ধান্ত মোতাবেক বিজ্ঞ ভিপি জিপিগণের বকেয়া বরাদ্দ সংক্রান্ত একটি প্রতিবেদন মন্ত্রণালয়ে প্রেরণের বিষয়ে বিজ্ঞ সরকারি কৌশুলি সভায় উপস্থাপন করেন। তখন অতিরিক্ত জেলা প্রশাসক (রাজস্ব), সিলেট জানান, বিজ্ঞ ভিপি জিপিগণের বকেয়া বরাদ্দ সংক্রান্ত প্রতিবেদনটি পর্যালোচনা করে সংশ্লিষ্ট মন্ত্রণালয়ে প্রেরণ করা হবে।	বিজ্ঞ ভিপি জিপিগণ কর্তৃক প্রেরিত বরাদ্দ সংশ্লিষ্ট প্রতিবেদনটি দ্রুত মন্ত্রণালয়ে প্রেরণ করতে হবে।	অতিরিক্ত জেলা প্রশাসক (রাজস্ব) ও রেভিনিউ ডেপুটি কালেক্টর রাজস্ব শাখা, সিলেট
৩	বিজ্ঞ সরকারি কৌশুলি সভাকে অবহিত করেন যে, সরকার পক্ষে সাক্ষ্য প্রদানের জন্য ধার্য তারিখ জানানোর পরও সংশ্লিষ্ট ইউনিয়ন ভূমি সহকারী কর্মকর্তাগণ যথাসময়ে সাক্ষ্য প্রদানে উপস্থিত না হওয়ায় মামলা বিচারে দীর্ঘসূত্রিতা তৈরী হয়। যথাসময়ে সংশ্লিষ্ট সকলকে অবহিত করার জন্য অনুরোধ করা হয়।	সরকার পক্ষে যথাসময়ে সাক্ষ্য প্রদানের প্রয়োজনীয় ব্যবস্থা গ্রহণের জন্য সংশ্লিষ্ট সহকারী কমিশনার (ভূমি), যথাযথভাবে দায়িত্ব পালন করবেন। অন্যথায় দায়-দায়িত্ব সংশ্লিষ্ট সহকারী কমিশনার (ভূমি)-কে বহন করতে হবে।	সহকারী কমিশনার (ভূমি) (সকল)
৪	সভাপতি মহোদয় সভায় জানান যে কিছু মামলার জবাব যথাসময়ে আদালতে দাখিল করা হচ্ছেনা মর্মে জানা যাচ্ছে। মামলার দফাওয়ারী জবাব সমূহ দ্রুত সহকারী কমিশনার(ভূমি) হতে সংগ্রহ পূর্বক আদালতে দাখিল করার ব্যবস্থা গ্রহণ করতে হবে।	মামলার দফাওয়ারী জবাবসমূহ সহকারী কমিশনার (ভূমি) হতে সংগ্রহ পূর্বক আদালতে দাখিল করায় বিলম্ব হওয়ায় কোন ব্যক্তিগত সম্পৃক্ততা বা কারো গাফিলতি আছে কিনা তা পর্যালোচনা করতে হবে।	সহকারী কমিশনার রাজস্ব মুন্সিখানা শাখা, সিলেট
৫	বিজ্ঞ সরকারি কৌশুলি সভাকে অবহিত করেন যে, সম্প্রতি কিছু মামলার দফাওয়ারী জবাব সংক্ষিপ্ত হওয়ার কারণে বিজ্ঞ আদালতে প্রতিদ্বন্দ্বিতা করতে সমস্যা হচ্ছে। এ বিষয়ে সহকারী কমিশনার (ভূমি) গণকে প্রয়োজনীয় নির্দেশনা প্রদানের জন্য সভায় অনুরোধ করা হয়।	মামলার জবাবসমূহ দফাওয়ারী আকারে প্রেরণ করতে হবে এবং প্রয়োজনীয় কাগজপত্র সংযুক্ত করতে হবে।	সহকারী কমিশনার (ভূমি) (সকল)
৬	অতিরিক্ত জেলা প্রশাসক (রাজস্ব), সিলেট জানান- উপসহকারী ভূমি কর্মকর্তা ও সহকারী ভূমি কর্মকর্তাদের চলমান প্রশিক্ষণ ও সেমিনারে জিপি/এজিপিগণের মাধ্যমে সেশন পরিচালনা করলে দেওয়ানি মামলা দ্রুত নিষ্পত্তি হবে এবং এতে সরকারের স্বার্থ রক্ষায় সহায়ক ভূমিকা পালন করবে।	উপসহকারী ভূমি কর্মকর্তা ও সহকারী ভূমি কর্মকর্তাদের প্রশিক্ষণ কর্মসূচিতে জিপি/এজিপিগণের মাধ্যমে সেশন পরিচালনার ব্যবস্থা গ্রহণ করতে হবে।	রেভিনিউ ডেপুটি কালেক্টর

পরিশেষে সকলকে আন্তরিকতা ও নিষ্ঠার সাথে অর্পিত দায়িত্ব পালনের আহ্বান জানিয়ে এবং সকলকে ধন্যবাদ জ্ঞাপন করে সভার সমাপ্তি ঘোষণা করা হয়।

এম কাজী এমদাদুল ইসলাম
জেলা প্রশাসক, সিলেট

স্মারক নম্বর: ০৫.৪৬.৯১০০.০১৫.৯৯.০০২.২০.১০০

তারিখ: ৫ কার্তিক ১৪২৮

২১ অক্টোবর ২০২১

বিতরণ (জ্যেষ্ঠতার ক্রমানুসারে নয়) :

- ১) অতিরিক্ত জেলা প্রশাসক, রাজস্ব, জেলা প্রশাসকের কার্যালয়, সিলেট
- ২) অতিরিক্ত জেলা ম্যাজিস্ট্রেট, অতিরিক্ত জেলা ম্যাজিস্ট্রেট, জেলা প্রশাসকের কার্যালয়, সিলেট
- ৩) সহকারী কমিশনার (ভূমি), (সকল), সিলেট
- ৪) রেভিনিউ ডেপুটি কালেক্টর, রাজস্ব (এসএ) শাখা, জেলা প্রশাসকের কার্যালয়, সিলেট
- ৫) ভূমি অধিগ্রহণ কর্মকর্তা (এলএও), ভূমি অধিগ্রহণ শাখা, জেলা প্রশাসকের কার্যালয়, সিলেট
- ৬) নেজারত ডেপুটি কালেক্টর, নেজারত শাখা, জেলা প্রশাসকের কার্যালয়, সিলেট
- ৭) বিজ্ঞ সরকারি কৌশুলি, সিলেট/বিজ্ঞ সরকারি ভিপি কৌশুলি/বিজ্ঞ অতিরিক্ত সরকারি কৌশুলি/ বিজ্ঞ সহযোগী কৌশুলি, সিলেট
- ৮) প্রশাসনিক কর্মকর্তা, সংস্থাপন শাখা, জেলা প্রশাসকের কার্যালয়, সিলেট

এম কাজী এমদাদুল ইসলাম
জেলা প্রশাসক